

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-23-24568/19  
Sarajevo, 27.01.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača u predmetu – Izgradnja sistema vodosnadbijevanja u obuhvatu RP „Bojnik-Dobroševići“ u zoni rezervoara „Donji Mihaljevići“**

### **I**

Prihvata se preporuka Komisije za javnu nabavku radova i ugovor za javnu nabavku u predmetu - Izgradnja sistema vodosnadbijevanja u obuhvatu RP „Bojnik-Dobroševići“ u zoni rezervoara „Donji Mihaljevići“, broj obavještenja 422-1-3-310-3-180/19, objavljeno u „Službenom glasniku BiH – Oglasnik javne nabavke“ broj 83/19 od 20.12.2019. godine, dodjeljuje se ponuđaču: „Bujice“ d.o.o. Konjic, sa ponuđenom cijenom za ugovor u iznosu od 439.997,13 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu tačkom 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-23-24568/19 od 11.12.2019. godine Općina Novi Grad Sarajevo pokrenula je postupak javne nabavke - Izgradnja sistema vodosnadbijevanja u obuhvatu RP „Bojnik-Dobroševići“ u zoni rezervoara „Donji Mihaljevići“, broj obavještenja 422-1-3-310-3-180/19, objavljeno u „Službenom glasniku BiH – Oglasnik javne nabavke“ broj 83/19 od 20.12.2019. godine, otvoreni postupak.

Zapisnikom o otvaranju ponuda od 06.01.2020. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača: 1. „Džekos“ d.o.o. Sarajevo, 2. „Ted invest“ d.o.o. Sarajevo 3. „Bujice“ d.o.o. Konjic, 4. konzorcij „Manjo“ d.o.o. Sarajevo i „Bosman“ d.o.o. Sarajevo i 5. „Mibral“ d.o.o Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Mibral“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost: da ponuđač obezbijedi opremu neophodnu za obavljanje predmetnih radova: kamion nosivosti 8 t- 3kom, mašine za iskop – 2 kom, oprema -alat za montažu vodovodnih cijevi i talačno ispitivanje – 1kom, za koje se kao dokaz dostavlja izvod iz knjige osnovnih sredstava ili ugovor o iznajmljivanju opreme i za kamione saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenu dokumentaciju ponuđača „Mibral“ d.o.o. Sarajevo konstatovano je ponuđač nije dostavio zapisnike uz upotrebne dozvole.

Iz naprijed navedenog razloga utvrđeno je da ponuđač „Mibral“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač „Ted invest“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost: da je ponuđač u protekle tri kalendarske godine kao glavni izvođač uspješno izvršio najmanje jedan ugovor koji za predmet ima radove koji su u vezi s predmetom nabavke vrijednosti najmanje 600.000,00 KM sa PDV-om, što se dokazuje listom izvršenih ugovora, sa potvrdom za ugovor koji za predmet ima radove koji su u vezi s predmetom nabavke najmanje 600.000,00 KM sa PDV-om, koju je izadala ugovorna strana -naručilac radova. Uvidom u dostavljenu dokumentaciju ponuđača „Ted invest“ d.o.o. Sarajevo konstatovano je da ponuđač nije dostavio potvrde koje su u vezi s predmetom nabavke vrijednosti najmanje 600.000,00 KM sa PDV-om, nego su dostavljenije potvrde za ugovore manje vrijednosti.

Iz naprijed navedenog razloga utvrđeno je da ponuđač „Ted invest“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da preostale tri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu ponuda te utvrdila računsku grešku ponuđača „Džekos“ d.o.o. Sarajevo, koji je dostavio saglasnost na ispravku broj 258/20 od 16.01.2020. godine, te računsku grešku ponuđača „Bujice“ d.o.o. Konjic koji je dostavio saglasnost na ispravku računске greške broj 01-013/1-20 od 16.01.2020. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Bujice“ d.o.o. Konjic sa ponuđenom cijenom za ugovor u iznosu od 483.079,76 bez PDV-a, 2. konzorcij „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za ugovor u iznosu od 504.721,77 KM bez PDV-a i 3. „Džekos“ d.o.o. Sarajevo sa ponuđenom cijenom za ugovor u iznosu od 514.167,74 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 20.01.2020. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-210/19 od 22.01.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Bujice“ d.o.o. Konjic sa ponuđenom cijenom za ugovor u iznosu od 376.065,93 KM bez PDV-a,
2. konzorcij „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za ugovor u iznosu od 376.549,00 KM bez PDV-a,

3. „Džekos“ d.o.o. Sarajevo sa ponuđenom cijenom za ugovor u iznosu od 458.515,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da cijena za ugovor ponuđača „Bujice“ d.o.o. Konjic iznosi 376.065,93 KM bez PDV-a, odnosno 439.997,13 KM sa PDV-om, o čemu je ponuđač dostavio saglasnost broj 01-024/1-20 od 27.01.2020. godine. Shodno naprijed navedenom Komisija je dala preporuku za zaključenje ugovora za predmetnu nabavku sa ponuđačem „Bujice“ d.o.o. Konjic.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  
mr. Nejra Smajić Šahić

**DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

